



Administrativna komisija

Broj: 04-GV-02-1199/22
Sarajevo, 21.07.2022. godine

ZAPISNIK O RADU
26. SJEDNICE ADMINISTRATIVNE KOMISIJE
održane 21.07.2022. godine

Prisutni:

1. Jasmin Ademović, predsjedavajući
2. Toni Vukadin, član
3. Drago Jurić, član
4. Vedad Deljković, član
5. Bajro Biber, član

Odsutni: Dragan Stevanović, član (najavljen izostanak), Adi Škaljić, zamjenik predsjedavajućeg

Sjednici iz Stručne službe za poslove Gradskog vijeća Grada Sarajeva prisustvuju:

- Mila Eminović Rizvanović, sekretar Gradskog vijeća Grada Sarajeva
- Mirjana Đanović Stanić, rukovodilac Stručne službe za poslove Gradskog vijeća Grada Sarajeva

Sjednici po ovlaštenju Gradonačelnice prisustvuju:

- Aida Bajramović, rukovodilac Stručne službe Gradonačelnice,
- Senada Kočan, pomoćnica Gradonačelnice za opću upravu i zajedničke poslove,
- Selma Bećiragić, ispred Gradske službe za urbano planiranje, investicije, stambene i komunalne poslove

Sjednici također prisustvuje Edin Fehimović, interni revizor Grada Sarajeva.

Predsjedavajući Komisije je otvorio sjednicu u 14.05 sati, pozdravio prisutne, utvrdio kvorum za punovažan rad i odlučivanje.

Pozdravio je Edina Fehimovića, internog revizora Grada Sarajeva koji prisustvuje sjednici kako bi pojasnio status reprezentacije u zakonskim i podzakonskim aktima.

Sjednica je započela razmatranjem i usvajanjem Zapisnika o radu 25. sjednice Administrativne komisije Gradskog vijeća Grada Sarajeva održane 14.07.2022. godine, sa pet glasova „za“.

Predsjedavajući Komisije je podsjetio članove da je uz poziv za 26. sjednicu Administrativnoj komisiji naknadno dodana tačka 4. prijedloga dnevnog reda - Pravilnik o ostvarivanju prava na plaćene troškove službene komunikacije korištenjem mobilnih telekom usluga za imenovane funkcionere u Gradu Sarajevu, Pravobranioca i zamjenike Pravobranioca Pravobranilaštva Grada Sarajeva.



Na prijedlog Predsjedavajućeg, Administrativna komisija je sa pet glasova „za“ usvojila sljedeći **dnevni red**:

1. Prijedlog Odluke o prihvatanju prijenosa prava vlasništva i posjeda bez naknade i davanju saglasnosti gradonačelnici Grada Sarajeva za potpisivanje - zaključivanje Ugovora o prijenosu prava vlasništva i posjeda bez naknade
2. Donošenje Pravilnika o reprezentaciji i poklonima za imenovane funkcionere u Gradu Sarajevu
3. Donošenje Pravilnika o ostvarivanju prava na plaćene troškove službene komunikacije korištenjem mobilnih telekom usluga za imenovane funkcionere u Gradu Sarajevu, Pravobranioca i zamjenike Pravobranioca Pravobranilaštva Grada Sarajeva
4. Tekuća pitanja

TAČKA 1.

Prijedlog Odluke o prihvatanju prijenosa prava vlasništva i posjeda bez naknade i davanju saglasnosti gradonačelnici Grada Sarajeva za potpisivanje - zaključivanje Ugovora o prijenosu prava vlasništva i posjeda bez naknade

Na prijedlog Predsjedavajućeg, Administrativna komisija je sa pet glasova “za” usvojila **sljedeći zaključak**:

Administrativna komisija sugeriše Gradskom vijeću Grada Sarajeva da razmatra *Odluku o prihvatanju prijenosa prava vlasništva i posjeda bez naknade i davanju saglasnosti gradonačelnici Grada Sarajeva za potpisivanje - zaključivanje Ugovora o prijenosu prava vlasništva i posjeda bez naknade* kako je predložena.

TAČKA 2.

Donošenje Pravilnika o reprezentaciji i poklonima za imenovane funkcionere u Gradu Sarajevu

Predsjedavajući Komisije je podsjetio da je Pravilnik razmatran na prošloj sjednici Komisije, te da se sada dostavljeni materijal razlikuje samo u dijelu koji se odnosi na objavu Pravilnika na službenoj stranici Grada Sarajeva.

Pozvao je internog revozora da iznese svoje stručno mišljenje na akt.

Edin Fehimović, interni revizor Grada Sarajeva je u svom izlaganju istakao da nema zakonskih ograničenja da se pravilnikom utvrdi pravo na reprezentaciju funkcionerima Grada Sarajeva za vrijeme službenog putovanja.

Predsjedavajući Komisije je predložio da se predloženi pravilnik dopuni i odredbom kojom će se urediti da se na račune o eksternoj reprezentaciji koja se realizira na putu u inozemstvu, po povratku s puta, prije pravljanja računa, pribavi saglasnost Administrativne komisije.

Usljedila je rasprava u kojoj su sudjelovali i drugi članovi Komisije.

Poslije uvodnog izlaganja i diskusije, na prijedlog Predsjedavajućeg, Administrativna komisija je sa pet glasova “za” usvojila sljedeći **zaključak**:

Administrativna komisija Gradskog vijeća Grada Sarajeva donosi *Pravilnik o reprezentaciji i poklonima za imenovane funkcionere u Gradu Sarajevu*, kako je predložen i dopunjen prijedlogom proizišlim iz diskusije i to tako:

- da se u član 7. uvrsti novi stav 6. koji glasi: „Računi o korištenju eksterne reprezentacije tokom službenog putovanja funkcionera, prije pravljanja, dostavljaju se na saglasnost Administrativnoj komisiji“,
- u članu 7. stavovi (6) i (7) predloženog pravilnika, postaju novi stavovi (7) i (8), te u novom stavu (7) se izostavlja riječ „prethodnog“ i iza riječi „stava“ dodaje se „(5)“, a ostatak teksta ostaje nepromijenjen.

Doneseni Pravilnik je u prilogu ovog akta.

TAČKA 3.

Donošenje Pravilnika o ostvarivanju prava na plaćene troškove službene komunikacije korištenjem mobilnih telekom usluga za imenovane funkcionere u Gradu Sarajevu, Pravobranioca i zamjenike Pravobranioca Pravobranilaštva Grada Sarajeva

Sekretar Gradskog vijeća je podnijela uvodno izlaganje u kome je obrazložila potrebu za izmjenom Pravilnika, a vezano za usklađivanje pravnog osnova u preambuli sa Odlukom o platama i naknadama u organima Grada Sarajeva („Službene novine Kantona Sarajevo“, broj 38/17 i 7/22).

Poslije uvodnog izlaganja na prijedlog Predsjedavajućeg, Administrativna komisija je sa pet glasova “za” usvojila sljedeći **zaključak**:

Administrativna komisija Gradskog vijeća Grada Sarajeva donosi *Pravilnik o ostvarivanju prava na plaćene troškove službene komunikacije korištenjem mobilnih telekom usluga za imenovane funkcionere u Gradu Sarajevu, Pravobranioca i zamjenike Pravobranioca Pravobranilaštva Grada Sarajeva*, uz izmjenu iznesenu u uvodnom izlaganju.

Doneseni Pravilnik je u prilogu ovog akta.

TAČKA 4.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVALAČI KOMISIJE

Jasmin Ademović, s.r.

Predsjedavajući Komisije je u 14.20 sati zaključio rad 26. sjednice Administrativne komisije Gradskog vijeća Grada Sarajeva.